

ILO-isumaqatigiissummut C191 – Sullivinnik avatangiisit isumannaattuunissaat peqqinnartuunissaallu pillugit isumaqatigiissut (malitseqartitsisumik allannguutit), 2023 (No. 191) Namminersorlutik Oqartussat ilaatinneqarnissaat pillugu Inatsisartut aalajangiiffigisassaattut siunnersuut).

(Isumaginninnermut, Suliffeqarnermut Nunamut Namminermut Avatangiisinullu Naalakkersuisoq)
(Siullermeerneqarnera)

ILO-isumaqatigiissutitut: C155 (Suliffimmi isumannaallisaaneq peqqissuserlu pillugit isumaqatigiissut, 1981), C187 (Sullivinnik avatangiisinik isumannaassusermillu siuarsaaneq pillugu isumaqatigiissut, 2006), C094 (Sulinermit piumasaqaatit pillugit isumaqatigiissut (pisortaqaqfinni isumaqatigiissutit), 1949) aamma P029 (Pinngitsaaliilluni sulisitsineq pillugu isumaqatigiissummut protokoli 2014-imeersoq, 1930) Namminersorlutik Oqartussat ilaatinneqarnissaat pillugu Inatsisartut aalajangiiffigisassaattut siunnersuut
(Isumaginninnermut, Suliffeqarnermut, Nunamut Namminermut Avatangiisinullu Naalakkersuisoq)
(Siullermeerneqarnera)

Qujanaq Naalakkersuisunut siunnersuutitut taakkununga marlunnut.

Uagutsinnut Demokraatinut sulisitat pisinnaatitaaffii pingaernerpaajupput. Kikkut tamarmik suliaartortassapput ilisimallugu, pisinnaatitaaffitik ataqqineqartut, aammalu toqqissisimasumik peqqinnartumillu suliffimminni atugaqartussaallutik. Taamaattumik tamakkiisumik taperserpagut, nunani tamalaani ILO-isumaqatigiissutit taakkartorneqartut, sulisitat illersorneqarnerannik annertusaasussat.

C191 isumaqatigiissutip atuutinneratigut ersarissarneqarpoq isumannaatsumik peqqinnartumillu suliffeqarnissaq sulisitat tunngaviusumik pisinnaatitaaffigigaat. Oqariartuut pingaarutilik, maani nunatsinni suliffeqarfinnik moderniusunik akisussaassuseqartunillu pilerlsitsinissamut suliniarnermut tapertaasusaaq.

Isumaqatigiissutit allat – C155 og C187 – timikkut tarnikkullu suliffimmi peqqinnartumiinissaq ersarissarpaat aammalu pingaartillugu qanoq iliorluni pinaveersaartitsinissaq. Alloriarneq pingaarutilik qulakkeerniarlugu, sulinermit atukkat pissusissamisuuginnartutut isigineqannginnissaat, suliffeqarfinnilli ingerlatsinitsinni naliginnaasutut isigineqalerlutik.

C094 atuutilerneratigut pisussaaffeqalissaagut qulakkiissallugu, pisortanit isumaqatigiissuteqarluni sulinermit atugassarititaasut allani, soorlu ataatsimoorussatut isumaqatigiissutitut inatsisinillu, ajornerunnginnissai. Tamanna naapertuilluartumik unammilleqatigiinnermut kusanartumillu pissuseqarnissamut qularnaveeqqutaavoq pingaarutilik.



Naggataatigullu P029 atuutilerneratigut uagutsinnut pisussaaffileqqippugut pinngitsaaliissumik sulisitsisarnermut aammalu traffickingimik (pinngitsaaliilluni inunnik nioqquteqarnermik) pinaveersaarisinnaavugut, aammalu qulakkeerneqarluni taakkuninnga eqqugaasimasut pisinnaatitaaffiik inatsisitigullu periarfissaannik pisariaqartunik tunineqarnissaat.

Ataatsimut isigalugu una siunnersuut maani nunatsinnit toqqissisimasumik naapertuilluartumillu sulisitsinissamut alloriarneq pingaartuuvoq. Pisinnaatitaaffiit nukittorsarpagut, nunanut allanut pisussaaffilerpugut ersarissumillu nalunaarluta, sulisitatta atugaat pingaartikkigut.

Taamatut oqaaseqarluta siunnersuutit marluk tamaasa akuereqqullugit innersuussutigaaqut ataatsimiititalianilu susassaqtuni suliareqqittussatut innersuullugit.